


### ●寶血會女修院落成

香港寶血會女修院、為養成落鄉傳教修女之所、自前數年從堅道遷往筲箕灣後、會務日益發達、原有院宇、不敷支配、乃於去歲卜



◀影攝之後落成堂娘姑會血寶埔水深▶

地於對海深水埔元州街之中、旋即興工建築、樓分東西二座、東座樓高三層、西座四層、四週圍以短牆、內有餘地甚廣、院宇輝煌、規模頗巨、其東一座、於樓下闢為小堂、以為昭事上主之所、於今年六月間竣工、七月一日、為該會主保耶穌寶血瞻禮、即訂於是日行落成典禮、是日天朗氣清、教友畢至

、堂為之滿、晨七時半、鐘聲嚶嚶（該鐘係深水埔方面教友所贈）教友魚貫入堂、由恩主教主開幕禮、彌撒中、主教演講耶穌寶血道理、彌撒後、款華藉來賓以茶點、後各散去、至五時半、復由主教主行聖體降福、德副主教、及丁顏羅三位神父俱在、降福前、由羅神父講道、後款西藉來賓以茶點盡歡而散、